

我們的測驗

鄧肇堅維多利亞官立中學

Scene 1

(課室內)

(柏度在溫書)

(奇、生、君、入場)

奇： 喂！點呀？(對生)

奇： 喂！點 ja？(對生)

奇： 喂！今次測驗你哋準備好未呀？

生： 攞掂咗啦！我已經將第一至第七頁嘅 notes 抄下重點然後將張貓放在鞋底。(將隻腳在枱上給他們看)(奇和君看一看，表示滿意)

君： 咦！點解咁多膠紙嘅？(指住隻鞋)

生： 咁蠢㗎你，驚污「早」呀嘛！

生： 你哋一陣間最緊要幫我睇水呀！

君： 得啦！包係我同阿奇身上。

奇： 唔！而家只係掙阿健嘅 (望一望門口)噫佢番啦！

(健入場，有少少匆忙，手上拿着個大袋)

健： 喂！點呀？OK 未呀？

君： 爭你咋，你準備成點呀？

(健從袋中取出疊紙出來)

健： 我當然準備充足啦！你睇！(show D 紙給他們看。)重有呀，我將第七至二十頁 notes 入晒落隻錶度。

(Show 隻錶給他們看。)

(柏度忍不住走過來看看)

奇： 嘩！重可以拉長㗎！

生&奇：嘩！係㗎！厲害！厲害！

柏度： 你哋準備呢 D 嘢準備咗幾耐呀？

生： 大約二至三日左右

君： 做咩呀？你有興趣加入我哋出貓學會呀？

柏度： 唔係，不過我都係用 3-4 日來讀今次測驗，我至覺得奇怪，點解你哋唔用呢 D 時間來溫 Test，而係用呢 D 時間準備出貓應付個 Test 呢？

健： 你讀書咁叻，用 3-4 日就溫好，我哋唔同你呀！我哋可能要用 5、6 日來溫㗎，咁不如用 2-3 日來準備出貓唔係重好咩？只要我應付到個測驗就

得啦！洗乜理用咩方法喎。

(奇&生&君和應)

柏度： 但係你會考個陣時你點出貓呀？咁多人睇住？

君： 離會考重有成年，到時先算啦。

生： 係囉！到時可能我哋有更好嘅出貓方法呢！

柏度： (無「耐」笑一笑) 咁 (唔知講咩好地隨便講) 希望你哋計劃順利！

(返回座位，溫書)

奇： 好！成你貴言

(君，生，健，奇一邊行繼續討論)

林： 喂！你溫晒未呀？

(林入課室，森在後)

森： 死啦！我唔記得添。(頓一頓足)

林： 吓！唔係呀嘛你，我尋日打比你提起你㗎。

森： (有少許尷尬)我 (森和林坐下)

即係咁！我尋日听完你電話之後，想去溫書，点知個電視咁啱播緊XXX，你知啦，我最鍾意睇㗎嘛，不過我睇完之後。我有走去張書枱度準備過書唉！(表現得好似自己都唔想咁)點知，咁啱又到食飯時間，個肚緊係餓㗎啦，咁就緊係無心機溫書啦，咁其實我就諗住食完飯溫嘅，點知，當我想溫書嘅時候，就發覺張枱實在太亂啦，所以我就先執枱溫書，但係人會疲倦㗎嘛，咁所以

林： 所以你執完張枱後就，訓着㗎，今朝起身呢就趕返學，所以連書溫書都無溫啦！

森： 係啦！就係咁啦！唉！

林： 唉！次次都係咁，都廢時採你。

森： 咪喇！幾大「立」番陣先啦！

(在書包取出中史書)

(藍走到森旁，碰到林的枱)

林： 小心D啦！(惡)

藍： 你宜家溫又有咩用呀！不如唔好溫啦！我哋不如

林： 邊個話無用呀！

森： 咁多嘢點溫得「切」呀！溫得啲少少呀，都唔會合格啦，不如唔好溫。

林： 咁 咁 都好過無呀。

森： 好啦，好啦，你哋唔好嘈啦。

藍： 咁你听佢講，定听我講呀？

林： 你認為邊個“arm”呀？

森： 呀 (藍&林望實森)

等我諗一諗。(沈默一會)

呀！你估我可唔可以「炸」病唔測呢？(森的神情充滿希望)

藍： 唉！

藍： 測驗之嘛，既來之，則安之，洗乜避嗰！

林： 你宜家溫書重可能來得切㗎！

藍： 邊度來得切呀？你當佢天才咩

(才入課室)

才： 噫，邊個叫我！(望着周圍啲人)

藍： 我係講緊天才，唔係講緊你。(藍不喜歡才的)

我： 我咪叫天才囉！

林： 不過你好似姓賈呢！(「賈」字大聲 D)，賈天才早晨

(藍&森笑笑口)(才用不滿的目光回應)

才： 早晨！(不滿的語氣)

(見到森枱上的書)

噫，溫書呀？乜測驗都要溫嘅咩？上堂听咪得囉，Test 之嘛，Easy 啦！

不過咁又係嘅，你哋呢 D 凡夫俗子，唔溫點得丫。(很自大)

林： (對住藍講)呀！年年第一都好似係柏度嗰。

藍： 係囉，嗰 D 假嘅天才日話自己叻，但係第一都無佢份嘅。

才： (不滿地，不服氣地)嘩！我都費時同你講呀！(返座位)

(藍看錶)

藍： 唔！趁重有少少時間，一齊去廁所先啦！(出課室)

林： (對森)喂！趁重有少少時間溫下書啦！唔好好似阿藍咁啦！聽佢講聽乞米。

藍： (指住阿林)正一管家婆！

森： 哦！(看書)

(林自己溫書)

森： (看一看手錶)死啦！剩番嗰少少時間，點算呀！溫邊度好呀？(好緊張)

(對自己講) 集中精神！集中精神！

(看着書) 1842 年簽署第一個不平等條約 南京條約

(有少少感疑惑) 吓！咩嚟㗎？好似未教嗰，我諗唔洗測啦啫。

出貓人：皇氣呀！

Scene 2

所有學生坐好，出貓人交頭接耳，林看書，森搖頭看書，好似唔知本書講咩。

(Miss 入)

Miss： 各位同學，早晨

同學們：(起立)老師早晨(森遲 D 起)

Miss： 測驗之前，有無咩問題？

(同學們互望，除了森仍在看書)

(其中一些同學在說話)

Miss： 無嘅話就收埋本書&Notes。

全班： 咁快，搞錯呀！比多 D 時間啦！(全班不滿)

Miss： (拍抬)唔好嘈。

森： 吓！七七事變是發生於七月七日 (依依不捨地看着本書，然後慢慢放入櫃筒)

Miss： 其實今次測驗好淺，只要你哋睇晒我俾你哋 D Notes 就 Pass 㗎喇。

森： 吓！咩 Notes 呀？

Miss： 上個禮拜派俾你哋啲疊 notes。

森： 吓？(疑惑)

Miss： (問全班)我上個禮拜係咪派咗 D Notes 俾你哋？

全班除了森：係呀！(有些人 show D notes 出來給森看)

Miss： (對森)你上個禮拜有無返呀！

森： 有呀！ 但係我真係無 notes 㗎！

Miss： 你係咪唔見咗 D notes 咋！

森： (一邊搵 notes，一邊說)吓！無理由㗎！
(到最後始終搵唔到)

(Everybody 望住佢搵 notes，有些交頭接耳)

(健靜靜悄悄地走到老師枱偷看試卷，然後回座位看 notes 和書)

Miss： 好啦，好啦，唔好搵啦，我哋開始測驗啦。(無耐性)

森： 阿 Miss，我無 notes 可唔可以唔測驗呀？(有少少興奮)

Miss： 如果你有溫書嘅話，今次測驗你一定合格！

(森感失望)

(Miss 派卷)

Miss： 測驗時間是 45 分鐘，開始。

(所有同學看 test paper，柏度&林開始作答)

(Miss 站在看不見生的地方，生在看鞋底和抄答案遠張 paper 上)

(出貓人常常望一望阿 Miss 和前後左右的人。)

Voice： 甲部 (pause) 選擇題 (pause) 南京條約是割讓那一個地方？

森： 哎咗！真係考呢個呀！早知求先溫埋落去啦！

Voice： [A：澳門]

森： 好似唔係啲

Voice： [B：九龍]

森： 應該唔係

Voice： [C：香港島]

森： 都好似唔係啲

Voice： [D：南京]

森： 話明南京條約，咁應該係割讓南京啦！（寫答案）

Voice： 第二題 (pause) 南京條約是幾時的？

森： 咦！好彩我求先「立」過眼啫，如果無記錯應該係 係 19 19
唔係，唔係，應該係 18 18 18 幾多呢？(搔頭，很苦惱)

Voice： [A：1841 (pause) B：1842 (pause) C：1843 (pause) D：1844]

森： 死啦！究竟係邊個呀？

(Miss 見到森喃喃自語，很苦惱)

Miss： 森！你無嘢呀嘛？流晒大汗嘅？

森： (呆一呆) 吓 嘅 無 無嘢，我只係唔識呢條啫。

Miss： 吓！呢條你都唔識，你有無溫書㗎？

森： (尷尬地)吓，呀 有 有 我只不過係一村唔記得之嘛。

(在森和 Miss 對話時，健舉牌給生、奇、君看)

Miss： 既然係咁，就做其他記得嘅啦。

森： 哦！（望題目）

(Miss 行開)

Voice： 第三題 (pause) 文化大革命是甚麼？

森： 咩文化大革命，我好似都未學過咁嘅

Voice： 第四題 (pause) 文字獄是甚麼？

森： 文字獄？文字 文字 呀！緊係罰人抄書啦！（頓一頓）咦！但係都無
呢個答案嘅。唔通出錯題目？(望一望周圍的人)咦！佢哋無理由見唔到
出錯題目㗎。(失望)唉！咁啫係話我估錯啦。(望周圍)

(生、君在裝人份卷，Miss 另轉身行去將 teacher desk，坐一坐然後又起身，再行
來行去，健見機將張貓紙放嚟 teacher's chair 上，然後回座位。Miss 行了一會兒
之後坐在 teacher's chair，過了一會又起身，結果張貓紙貼在 Miss 個 Pat Pat 上，
當她行來行去時，D 出貓人望住張紙上的答案)

(森看見這個情況也想看一看貓紙，但始終看不到)

森： 咦張紙好似寫住第四題啲 (想看看那張紙)

哎咗！阿 Miss 行得咁快睇呀！

(君、生、奇看完後，君引開 Miss 注意力，生假裝執番支筆然後攞番張紙中毀屍
滅跡)

森： 吓！咁快就收埋張紙。(感失望) 哎！唔得，唔得，我要集中精神，回憶一大所學的東西！(睜大眼睛望住份卷)

重有幾耐完卷呀，Miss？

Miss： 重有 30 分鐘。

Voice： 第五題，以下哪一位是中國國父？

(A：孫中山 B：溥儀 C：蔣介石 D：毛澤東)

森： 吓！呢 D 咩人嚟㗎，乜國父唔係江澤民咩！

孫中山：我就係國父孫中山。

溥儀： 我呸！你個亂臣賊子丫，算咩國父呀！我先至係一國之父。

毛澤東：豈有此理丫，他哋兩個做乜冒認國父呀！我先至係真正嘅國父，如果無我呀丫，又點會有中華人民共和國呀！

蔣介石：收聲！(好大聲)

(各人靜了，望住他)

蔣介石：我至係真真正正嘅國父

毛澤東：喂！喂喂喂 你算係咩國父呀，你唔記得啦！當年你被我趕咗去台灣㗎。

孫中山：係囉！係囉！你點會係國父呀！

蔣介石：哼！我緊記得！但我的的確確係台灣嘅國父呀！

溥儀： 阿叔呀！呢條問題係問中國國父呀！

孫中山：除非你話台灣係中國啦，如果唔係你點會有可能係中國國父呀！

蔣介石：吓！搞錯咗嘍，趕時間，走先！

森： 唉！個個都話自己係！咁究竟邊個先係呀！(沈思一會)

山、儀、東：我呀！我先至係真正嘅國父呀！(對住森說)(爭執一會)

(森苦惱)

森： 唉！唔理啦！看第二題先。

Voice： 第六題

(三人無反應，仍在爭執)

Voice： 第六題

(三人無反應，仍在爭執)

Voice： 第六題(大聲 D)

(三人開始有反應，望住 Voice)

Voice： 我話第六題呀！你哋重唔走！係到阻住晒！

(三人急急腳走了，Voice 變回原形)

Voice： 第六題

森： 唔識

Voice： 第七題

Voice： 第八題

森： 唔識 (pause) 唔識，唔識，唔識呀~

(一次比一次洩氣)

柏度： 唔該，Miss 我想要多張紙呀！

才： Miss 我又要！

(Miss 比紙佢哋)(Miss 滿意的)

才： Miss，今次份卷咁淺，想唔寫多 D 都唔得！

同學們除柏度： 嘩！(不屑眼神)

森： 有無搞錯呀！咁快攞紙。(望一望周圍) 嘩！其他人都做到後面個頁啦！
(好緊張) 死啦！我仍在做第一頁。

森： 唉！會考離而家有成年，話長唔長，如果會考嘅時候「炸」病，又會被
阿媽罵。咁點算好啊？(在苦思良策)

(看一看題目)

Voice： 是非題(Pause)第一題(Pause)王洪藍在會考會有 14 分？

(「叮」一聲，Everybody 定格，除了森。)

(森走到藍身旁)

森： 你會有 14 分？假天才都變真天才啦！

Voice： 賈天才會有 14 分？

森： 唔 (思考一會) 你都唔差嘅，應該 (看到才枱面的 answer
sheet，並且拿起) 咦！？(Pause) 嘩！原來「握」人嘅種以為咁叻答得
咁快添，D answer sheet 都未用晒，就攞。

Voice： 林木林會有 14 分？

森： 無錯你係叻過我，但你次次都係臨衰抱佛腳，未到測驗前一日都唔溫，
重有呀！就係因為你測驗前一日先溫書，咁你就測驗前一日先至提我，
搞唔到我次次都溫唔切書！

Voice： 賴森今次測驗攞 0 分？

森： (呆一呆) 測驗！係啲！死喇！我今次測驗會攞 0 分呢？如果係嘅話，
Miss 可能會 (一邊說一邊走回坐位，呆坐著)

(Teacher 拍森張檯，所有人回復自由身)

森： (望住 Teacher)

Teacher： 呢個係測驗嚟架，你做咩係度發白日夢呀，至少都要答 DD 啦！

森： 我 我 (望份卷) 係，知道。
重有幾耐完卷呀，Miss？

Miss： 重有 30 分鐘。

森： (繼續望試卷)

Miss： (對全班)
我想問你地出貓係害左邊個呀？

生： 自己 (大聲地)

Miss： 好，答得好 (故意背住阿生行一步，然後迅速轉身得住阿生，看他有沒有出貓)

(生笑笑口對住 Miss)(Miss 重復兩三次後放棄)

(生舉牌：害我啦)

(奇舉牌：第 13 題 A)

(生舉牌：害我多 D)

(健舉牌：14 題 B)

(森時時問老師仲有多少時間)

森： Miss，仲有幾耐呀？

Miss： 15 分鐘！

柏度： Miss！我想要多一張紙呀！

天才： Miss！我都要呀！

森： 又攞？人攞你又攞！

(拍自己的面兩下) 唔得！我要集中精神！(望實份卷)

Scene 4

課室

(森在喃喃自語)

森： 搞錯搞錯

(Miss r 搖吓阿森)

(森醒)

Miss： 你又做咩阿？

森： 個獎唔係我嘍！

Miss： 吓？

森： (望一望周圍) 吓？(定一定神)

Miss： 你又係度發白日夢呀？

森： 吓？唔 唔係，我諗緊條題目啫。

Miss： (對全班)時間重有一分鐘。

森： 吓？一分鐘(大聲)

Miss： 係呀！

森： 頭先明明重有十幾分鐘嘍！去晒邊呀！

Miss： 過咗啦！

森 已經？

Miss： 係！

森： 肯定？

Miss： 柏度同學，仲有幾耐呀？

柏度： Miss，仲有一分鐘。

Miss： 你再講連個一分鐘都無埋嘍啦！

森： (猛咁揭份卷)死啦！度度都唔識點做呀！(pause) 咦！？

Voice： 七七事變發生於幾月幾日？

森： 嘩！太好喇！終於有題識嘍喇！

Voice： A：七月一日 (pause) B：七月四日 (pause) C：六月七日 (pause)

D：七月七日

Miss： 停筆，收卷！

森： 係喇！就你七月七日喇！

(當森想寫之時，Miss 收了他們的卷)

森： Miss，我爭個字咋！

Miss： 無啦，夠鐘啦！

(森感不滿)

同學交頭接耳，談論試卷。

Miss： 各位同學，靜 D。我 arm arm 醒起一件事唔記得話俾你哋聽呢份測驗卷將會計落你哋公開考試個分度。

全班：吓！點解呀？呢個只是小測，點會計落公開考試個度㗎。

Miss：靜小小先，听我講。

(全班靜了)

Miss：因為教育署已經決定改革考試制度，再唔係一試定江山，而係將平時嘅測驗都計入公開考試個分。

全班：搞錯呀！又唔早 D 講，考完先至講。

(議論紛紛)

Last Scene

In the bedroom, 森在床上

- 森： 點得㗎！又唔早 D 話比我听！
- 森： 點解唔早 D 話比我听㗎！
- 媽： 喂！森！你做咩啊！
- 森： 點可以改㗎！唔得呀！
- 媽： (大聲) 阿森！夠鐘返學啦！
- 森： 吓！(Pause) 返 學！(望一望周圍)(望吓自己)
- 媽： (溫柔 D) 你做咩呀？係度亂咁叫！
- 森： 無嘢，發夢 ja。(抹汗)
- 媽： 發咩夢呀？發到成頭大汗嘅！
- 森： 無 (pause) 我發夢夢見自己測驗唔掂呀！
- 媽： 測驗唔掂？唉！平時都叫你溫書㗎啦，成日掛住玩！
- 森： (低頭不語一會兒) 測驗完之後，Miss 總話
- 媽： 話咩呀？係咪罰你啦，所以你頭先係度叫？
- 森： 唔係呀？
- 媽： 咁係咩呀？
- 森： 佢話依家香港教育制度改變，平時分會計在公開考試個分度，所以我大叫囉。
- 媽： 你都唔想讀書，你做乜要關心公開試呀！
- 森： 其實關心㗎，不過有時俾藉口自己囉！不過我頭先真係好驚！我都唔知點解！唔知會唔會係一種啟示。
- 媽： 如果個夢真係可以整醒你，真係發多幾次都唔怕呀！
- 森： 咦！(醒覺)(緊張地) 阿媽今日幾多號呀？
- 媽： 11 號囉！
- 森： 呀！死啦！今日真係測驗！(搵本中文書)
- 媽： 你真係丫，梗係又未溫啦！
- 森： (剛剛拿起本中史書) 咦！阿媽呀！考試制度係咪真係改咗 la？
- 媽： 未呀。
- 森： 哦！(fall on the bed) 好彩 ja，都仲有得「猛」
- 媽： 喂！(大聲)
- (森彈起身)
- 媽： 雖然教育制度未改，但係你都要溫㗎！
- 森： 溫！我宜家就溫囉！
- 媽： 唉！呢 D 嘢其實應該一早溫㗎嘛！成日臨急抱佛腳！
- 森： 我知㗎啦！

媽： 知㗎啦，知㗎啦，成日都話改，你呀！再唔改，到會考果時你實行攞 0 分！

森： 攞 0 分！

呀！講起考試，我頭先夢見阿邊個攞 14 分呀！

媽： 梗係啦！人地係屋企溫書，你（pause 指住森）淨係掛住玩，就算個教育制度唔改，你到會考嗰陣時臨急抱佛腳，都係死硬㗎咋！

森： 臨急抱佛腳都好個無呀！阿藍仲差個我啦，但家陣最差學生獎俾咗我！

媽： 最差學生獎？咁你覺得自己應唔應該攞呀？

森： 應該（pause）。但係，阿藍佢差過我，有乜理由個獎會係我㗎，應該係阿藍㗎！

媽： 唔好賴人啦！阿森，你自己唔好好地讀書，唔改吓你 D 讀書態度，即使呢個世界上有幾十個阿藍，嗰最差學生獎都會係你攞㗎！

森： 哦，我知 la（認真）不過我有百一個要求！

媽： 唔駛問 la，梗係要我幫你寫家長信請假 la，唔駛問 la，我唔會幫你做埋 D 咁嘅嘢㗎！

森： 我嘅要求就係寫家長信，不過係寫信老師俾我補測嘅（望住媽咪一會）真㗎，俾我兩日時間，我會好好地探索這本中國歷史！我講真㗎，媽咪！

（媽媽猶疑地望盡兒子的臉）

森： 我真係講真㗎。

森： 擰隻手指尾出嚟。

媽： 好啦！信你一次！

（母子兩人勾手指尾作一承諾）

（電話響）

媽： 咁早邊個呢？你去呀，我同你去寫信！

森： 喂，阿森寢室（輕鬆、開心）

林： 喂，阿林，做緊咩呀？

森： 咦，林呀！

林： 喂，溫晒呀？

森： 未呀！（輕鬆）

林： 未！你仲咁高興嘅？

森： 大丈夫視死如歸，不還咁，君子報仇十年未晚呀！唔係兩日未晚！

林： 你講乜呀？

森： 今日就做住炮灰先，過兩日我就會「破棺而出」，死過返生。

林： 喂，我都唔知你講乜！

森： 唔知都唔緊要，不過記住以後都要提我讀書呀，仲要早 D 添呀！

林： 早 D？你轉性呀！

森： 夢中一言警醒我啦！我要讀書啦！一陣見啦！

林： 哦，bye！bye！

(淼看一看錶/鐘)

淼： 好！襯仲有少少時間，溫陣先

(淼打開書)

《全劇完》